

誤行刺字案

吏部議刑部主事佟等呈稱勝齊不孝喫酒兇鬧照例擬以臂膊刺字發黑龍江當差詎刺字人徐德誤將勝齊面上刺字隨將誤刺之字起除仍刺臂膊所有疎忽誤刺之處合行檢舉等語查定例官員誤行刺字者罰俸一個月等語應將疎忽誤刺之刑部主事佟等均照例罰俸一個月雍正六年十一月內奉

旨依議

成案彙編

卷十六

賊盜四

五

婦女犯竊免刺案

刑部據蘓撫高 咨毛永等行竊嘉定縣民沈凡銀兩一案除毛永
病故不議外徐壽姐合依竊盜贓五十兩杖六十徒一年為從減一
等律應減一等杖一百係婦人免刺等因雍正十二年四月

刺字錯悞不諳之經承擬罪案

刑部爲欽奉

上諭事據福撫郝 咨稱查得蕭文介係謀殺顏吉生從而加功擬絞上年部議減流並非軍犯該縣將蕭文介妄刺謀殺廣東烟瘴字樣實屬錯悞應將不諳經承予以不應重杖但事在乾隆二年四月十六日

恩赦以前應予援免所有刺字錯悞之壽寧縣知縣馬大紀職名相應咨 參等因前來據此應如該撫所議完結至文職應否議處事隸吏部 應將原咨送吏部議可也

違例刺字處分案

吏部爲正賊現獲等事查得刑部咨稱福建巡撫趙 以徒犯謝全等解至晉江縣地方潛逃續經緝獲依例擬流該縣將謝全等概刺逃徒二字所有違例刺字之晉江縣知縣楊翼成應移咨吏部議等因前來應將晉江縣知縣今陞泉州府同知楊翼成照例于現任內罰俸一個月等因